

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2022/54, 06.04.2022թ.

Շտկման ամսաթիվը՝ 11.04.2022թ.

Բողոք բերող անձ՝ «Մովսեսյան» ՍՊԸ

Պատվիրատու՝ ՀՀ պաշտպանության նախարարություն

Գնման ընթացակարգի ծածկագիրը՝ «ՀՀ ՊՆ-ԳՀԱՊՁԲ-22-1/3»

Գնման առարկան՝ ապրանքների ձեռքբերում

Բողոքի պահանջը՝ պարտավորեցնել «ՀՀ ՊՆ-ԳՀԱՊՁԲ-22-1/3» ծածկագրերով գնման ընթացակարգի գնահատող հանձնաժողովին դադարեցնել թիվ 3 արձանագրությամբ «Մովսեսյան» ՍՊԸ-ի հայտը մերժելու մասին որոշումը:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Ռ. ՄԿՐՏՉՅԱՆ**

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման

ընթացակարգին չմասնակցած անձը գրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

2022-C1084

ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁԻՆ

Ք. Երևան, Մելիք Ադամյան 1

Մովսեսյան ՍՊԸ տնօրեն

Ա. Օհանյանից

Ք. Երևան, Զարյան 3, 29

Պատվիրատու՝ ՀՀ պաշտպանության նախարարություն

Ք. Երևան, Բազրևանդի 5

Բողոքարկվող ընթացակարգի ծածկագիրը՝

ՀՀ ՊՆ-ԳՀԱՊՁԲ-22-1/3

Առարկան՝ ՀՀ ՊԱՇՏՊԱՆՈՒԹՅԱՆ ՆԱԽԱՐԱՐՈՒԹՅԱՆ ԿԱՐԻՔՆԵՐԻ ՀԱՄԱՐ ԱՊՐԱՆՔՆԵՐԻ
ՁԵՌՔԲԵՐՈՒՄ

ԲՈՂՈՔ

(շտկված)

ՀՀ պաշտպանության նախարարության կողմից հրապարակված ՀՀ ՊՆ-ԳՀԱՊՁԲ-22-1/3

ծածկագրով գնանշման հարցման հրավերում շրջանակում Մովսեսյան ՍՊԸ-ն 20.03.2022թ.-ին ներկայացրել է հայտ:

29.04.2022թ.-ին, ժամը 18:10-ին ստացված հեռախոզագանգից տեղեկացել ենք, որ գնահատող հանձնաժողովը որոշում է կայացրել Մովսեսյան ՍՊԸ-ի ներկայացրած հայտում շտկում կատարելու վերաբերյալ:

Զանգահարողը հայտնել է, որ շտկման պահանջը ուղարկվել է 28.03.2022թ.-ին, ինչի վերաբերյալ հայտնել ենք, որ շտկման պահանջ չի ստացվել, և խնդրել ենք, որպեսզի այն կրկին ներկայացվի համակարգի կամ էՓ միջոցով:

Գնահատող հանձնաժողովի քարտուղարը հայտնել է, որ ինքը այլևս չի կարող շտկման պահանջ ներկայացնել և առաջարկել հեռախոսով հայտնած տվյալների հիման վրա կատարել շտկումը:

Նույն օրը՝ 29.03.2022թ.-ին ստացված հեռախոսագրանգի հիման վրա ներկայացվել է շտկումը:

01.04.2022թ.-ին, armeps համակարգի միջոցով, ոչ ավտոմատ ծանուցմամբ ստացվել է հանձնաժողովի թիվ 3 արձանագրությունը՝ Մովսեսյան ՄՊԸ հայտում տեխնիկական բնութագիրը թերի լրացված լինելու հիմքով, Մովսեսյան ՄՊԸ հայտը մերժելու մասին:

Ելնելով այն իրողությունից, որ Մովսեսյան ՄՊԸ-ն չի ստացել օրենքով սահմանված կարգով ներկայացված շտկման պահանջ ոչ համակարգի, որ հրապարակված արձանագրությունների և ոչ էլ ԷՓ միջոցով, այլ այդ մասին տեղեկացել է հեռախոսագրանգով, հետևաբար հանձնաժողովի կողմից տվյալ հիմքով Մովսեսյան ՄՊԸ-ի հայտը մերժելը ոչ իրավաչափ է:

Բողոքի իրավական հիմքերը

Համաձայն ՀՀ կառավարության 04.05.2017թ. 526-Ն որոշման 41-ին և 42-րդ կետերի՝

41. Եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ ներառյալ այն դեպքերը, երբ հայտում ներառված Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը: Եթե անհամապատասխանությունն արձանագրվել է ՀՀ պետական եկամուտների կոմիտեից ստացված տեղեկատվության հիման վրա, ապա մասնակցին ուղարկվող ծանուցմանը կցվում է նաև կոմիտեից ստացված տեղեկատվության բնօրինակից սկանավորված տարբերակը: Մասնակցին ուղարկվող ծանուցման մեջ մանրամասն նկարագրվում են հայտնաբերված անհամապատասխանությունները:

...

42. Եթե սույն կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա նրա հայտը գնահատվում է բավարար: Հակառակ դեպքում տվյալ մասնակցի հայտը գնահատվում է անբավարար և մերժվում է, ներառյալ էթե մասնակիցը սույն կարգի 32-րդ կետի 1-ին մասի «ե» պարբերությամբ սահմանված ժամկետում չի ներկայացնում հայտի ապահովման բնօրինակը, իսկ ընտրված մասնակից է ճանաչվում հաջորդող տեղ զբաղեցրած մասնակիցը:

43. Հայտերի բացման և գնահատման նիստի ավարտից հետո ոչ ուշ, քան հաջորդող աշխատանքային օրը հանձնաժողովի քարտուղարը՝

1) հայտերի բացման և գնահատման նիստի արձանագրության բնօրինակից արտատպված (սկանավորված) տարբերակը և սույն կարգի 32-րդ կետի 25-րդ ենթակետի հիման վրա ստացված հիմնավորումների քննարկման ամփոփաթեթը, որը պարունակում է տեղեկություններ նաև հիմնավորումները ստանալու ամսաթվի և էլեկտրոնային փոստի հասցեների վերաբերյալ, հրապարակում է տեղեկագրում: Եթե հիմնավորումներ չեն ներկայացվել, ապա հանձնաժողովի նիստի արձանագրության մեջ դրա մասին կատարվում են համապատասխան նշումներ: Ընդ որում, հանձնաժողովի նիստի արձանագրության մեջ մանրամասն նկարագրվում են արձանագրված անհամապատասխանությունները և դրանցով պայմանավորված հայտերի մերժման հիմքերը:

2) իր և գնահատող հանձնաժողովի՝ հայտերի բացման նիստին ներկա անդամների կողմից ստորագրված շահերի բախման բացակայության մասին հայտարարությունների բնօրինակներից արտատպված (սկանավորված) տարբերակները հրապարակում է տեղեկագրում, բացառությամբ սույն կարգի 23-րդ կետի 4-րդ ենթակետով հաստատված ցանկի 1-ին, 2-րդ, 3-րդ, 4-րդ և 20-րդ կետերի հիման վրա կատարվող գնումների: Գնահատող հանձնաժողովի այն անդամները, ովքեր հանձնաժողովի աշխատանքներին մասնակցում են հայտերի բացման նիստից հետո հրավիրվող նիստերին, ստորագրում են սույն ենթակետում նախատեսված հայտարարությունները, որոնք տեղեկագրում քարտուղարը հրապարակում է ստորագրմանը հաջորդող աշխատանքային օրը:

Նշված նորմերի բովանդակությունից երևում է, որ մասնակցի կողմից անհամապատասխանության շտկման պարտավորությունը ի հայտ է գալիս միայն այն բանից հետո, երբ հանձնաժողովը այդ անհամապատասխանությունը հայտնաբերում է *հայտերի բացման և գնահատման նիստի ընթացքում իրականացված գնահատման արդյունքում, և նույն օրը դրա մասին էլեկտրոնային եղանակով ծանուցում է մասնակցին, միաժամանակ հրապարակելով հանձնաժողովի արձանագրությունները տեղեկագրում:*

Տվյալ դեպքում, հանձնաժողովը ոչ միայն չի հայտնաբերել անհամապատասխանություն հայտերի բացման և գնահատման նիստի օրը՝ 21.03.2022թ.-ին, այլ նաև նույն օրը չի ծանուցել այդ մասին մասնակցին, տեղեկագրում չի հրապարակել հանձնաժողովի այն արձանագրությունները, որոնք ենթակա էին հրապարակման:

Դեռ ավելին՝ խախտելով օրենքի պահանջը, հայտերի գնահատումը ըստ էության իրականացրել է միայն 28.03.2022թ.-ին, հայտերի բացումից 7 օր անց, իսկ *“արձանագրված անհամապատասխանության”* մասին մասնակցին հայտնել է հեռախոսազանգի միջոցով:

Գնահատող հանձնաժողովը խախտելով 526-Ն որոշման 43-րդ կետով նախատեսված պահանջները, չի կատարել արձանագրությունների հրատարակում տեղեկագրում, ինչի արդյունքում, անգամ հեռախոսագանգ ստանալուց հետո, Մովսեսյան ՄՊԸ-ն զրկված է եղել հանձնաժողովի արձանագրություններին ծանոթանալու, իր հայտում հայտնաբերված անհամապատասխանությունների վերաբերյալ տեղեկություն ունենալու, և հետևաբար շտկում կատարելու հնարավորությունից:

Ուսումնասիրելով հանձնաժողովի թիվ 3 արձանագրությունը, պարզ է դառնում, որ Մովսեսյան ՄՊԸ հայտը մերժվել է նախօրոք՝ 28.03.2022թ.-ին, կայացված արձանագրությամբ՝ 30.03.2022թ.-ին:

Տրամաբանական դատողությամբ առաջնորդվելով կարելի է հանգել միայն հետևյալ եզրահանգումներից որևէ մեկին. կամ՝ 30.03.2022թ.-ին Մովսեսյան ՄՊԸ-ի հայտը մերժելու մասին 28.03.2022թ.-ին կազմված և ստորագրված արձանագրությունը վկայում է այն մասին, որ այդ որոշումը կայացվել է նախապես, կամ՝ 28.03.2022թ. արձանագրությունը չի կազմվել 28.03.2022թ.-ին, այլ կազմվել է 30.03.2022թ.-ին, ինչից էլ հետևում է, որ 28.03.2022թ.-ին հանձնաժողովի կողմից չի կայացվել Մովսեսյան ՄՊԸ-ի հայտում անհամապատասխանություն արձանագրելու վերաբերյալ որոշում:

Ելնելով վերագրյալից,

Խնդրում եմ,

Ոչ իրավաչափ ճանաչել Մովսեսյան ՄՊԸ հայտը մերժելու մասին հանձնաժողովի որոշումը և Պատվիրատուին պարտավորեցնել փոփոխել թիվ 3 արձանագրությունը՝ դրանից հանելով Մովսեսյան ՄՊԸ-ի հայտը մերժելու մասին որոշումը:

Կից ներկայացնում եմ.

1. նույնականացման քարտիս պատճենը,
2. Պետական տուրքի վճարման անդորրագիրը,
3. 28-29.03.2022թ. դրությամբ Մովսեսյան ՄՊԸ ԷՓ սրբինշոփերը, armeps համակարգի շքրինշոփը, և gnumner.am կայքի սրբինշոփը, որոնցում երևում է, որ շտկման պահանջ չի ստացվել:

Հարգանքով՝

OHANYAN ANAHIT
7208570663

Մովսեսյան ՄՊԸ տնօրեն

Digitally signed by OHANYAN ANAHIT 7208570663
DN: cn=OHANYAN ANAHIT 7208570663, o=OHANYAN ANAHIT 7208570663, email=ohanyan.anahit@armeps.am
serialNumber=7208570663, c=AM, serialNumber=7208570663
Date: 2022.04.06 17:29:09 +0400

Ա. Օհանյան

